

6. Nestorius, referente historiá Ecclesiasticá. Mariam Θεοτόκον, hoc est, Filium Dei ex muliere natum esse concedere noluit, hac insuper adiecta blasphemia: Noli gloriari Iudæe, non Deum, sed hominem crucifixisti. Socrat. l. 7. histor. Eccles. cap. 32. Evagr. l. 1. c. 2. & seqq. Niceph. l. 14. c. 32.

7. Eodem Spiritu edocta gens Sacramentario-Iesuitica scribere non exhorrescit: Cùm dico, iste homo est Deus, subiectum iste homo, non supponit pro natura humana, sed pro persona τῆς λόγῃ: Item: Deus passus ac mortuus est realiter, quatenus homo est: Sed nominatenus, quatenus Deus est: Christus est omnipotens realiter, quatenus Deus est: Sed nominatenus, quatenus homo. Consens. Calv. p. 18. & 122. Neostad. admon. p. 70. & 250.

8. Hoc nimirum est illud, quod B. Lutherus futurum prædixit, ut Sacramentarij rationis magisterium secuti, paulatim sint negaturi, Christum esse Deum; & figuratam dicturi locutionem, cum Christus Deus & homo esse dicitur.

9. Vnde graviter pias mentes Idem in minore sua Confessione hortatur, etiamsi gloriantur Sacramentarij, se credere articulum de persona Christi, ac multa de eo blaterent, fidem tamen illis ne habeant: mentiuntur enim, inquit Lutherus, quicquid hac in parte gar-

Tom. 3.
Ien. G. p.
91.